


北京圖書館出版社

清末時事采新彙選

第十二冊



(清末)時事采新彙選

第十二冊

北京圖書館出版社



時事采新彙選

光緒甲辰年十二月

光緒三十年十二月二十一日

慶王等得賞紀錄謝 恩 謨貝子因孫賞冠頂

戴專摺謝 恩 肅王李盛鐸各假滿請 安

召見軍機 孚琦

十二月分缺單 知州甘肅甯州姚長齡降 知縣

甘肅靖遠劉文海革江西瑞昌陸錦丁湖南東安劉

燦黎革 縣丞直隸赤城徐品端故 吏目江蘇邳

州劉兆馨革雲南鎮南呂洪聲丁貴州麻哈蔣模故

巡檢廣東合浦王廣潤開缺 典史安徽東流王邦

傑丁

諭旨恭錄

光緒甲辰十二月二十一日

論日俄戰後之經營譯日本明治三十七年八月二十日東京協會

會報 第九十八期外交錄

日俄之戰在日本既有全勝之望然使戰後之經營稍有失策則血戰之功皆成泡幻蓋日本戰勝以後不特有俄人復讐之慮且與歐美各國之交涉悉有變動故不可不預定政策以因應之使俄人不能再逞其橫暴於遠東而又有以防各國兵備外交之紛議夫而後國權鞏固東洋之平和可保也今揭其大綱七端於左

一以韓國與日本為一聯邦而齊同其內外之政務

日本嘗宣布韓國之獨立於天下故於韓國變法之舉大

有關係前有中日之戰今有日俄之戰要皆以保全韓國

之獨立云耳而熟察韓國之現狀則政權廢弛民志萎靡

時事新報選錄第五卷

甲辰臘月廿一日刊

殆無繫國力保國權之望若忍置而不顧則徒滋擾亂而

敗他國之覬覦內憂外患必因而益甚矣故今者日本對

韓之政策當推擴日韓協約之旨而重立條約合日韓為

一聯邦凡韓國內外文武之政務悉舉而則效日本使其

顯若畫一是既無損韓國獨立之名義而兩國之關係亦

固結而不可解亦足以塞亂源而禦外侮矣

二與中國結攻守同盟使之變法維新而於統治滿洲

之事必悉與日本協商

中日兩國地位近接實於東洋大局互有維持之責甲午

之役日本非以苦中國也將以均彼我之勢力防他日之

爭端不意時局迅變俄又東侵以釀成今日之戰中國若

竟再蹈前轍則東亞又安有寧日乎夫中日兩國自昔有唇齒輔車之誼迄於今日尤不可不互相提攜俾中國一新其政務而內安民心外禦寇侮以與日本共維東洋之平和至於滿洲所以受俄國之侵略強租旅順恣設軍備者實由中國無自衛之道故耳循此以往豈日本之所堪故戰後之經營必與中國立約使以滿洲之軍備及民政一切受日本之監督然後可以舉經營滿洲之實績而無他慮焉

三割俄國之西伯利亞以屬日本而使用自治政體

殺人所以抱侵略東洋之野心而妨國際之安寧者其主因在西伯利亞彼既領有其地以迄寒不毛為憾乃不得

時事新彙選 第五卷

甲辰臘月廿一日刊

不窺伺南方之膏腴得寸得尺而遂及于滿洲故欲抑俄國之野心而為各國弭不測之禍不可不使俄國割棄西伯利亞以讓日本至割讓之區域當兩分此州而割其東方之全部以東經百度為界其東之大陸及島嶼悉歸日本其面積在二百萬方里以上視日本全國之版圖且十餘倍夫割此廣土為俄人所痛今不暇計然日本得之亦果足為利益乎曰亦視乎經營之道而已以吾輩之所見日本既得西伯利亞之半宜定名為新日本州而立自治政體於日皇統治之下自軍事外交以外一切政務皆聽自治而日本帝國不為直接之干涉如英國之於坎拿大及非洲澳洲之殖民地所謂責任政治者是也若各國人

民有願受屬而移居者則悉入籍為民使有諸種之權利且得參與政治盡其自營自治之能力迨移住日多則其利害相等而各國利害之關係遂與日本無異乃有共同保護之勢即他日俄人本復仇之忿而興侵略之師亦將懼於列國共同之干涉而其事不敢輒發矣顧各國移住之民最占多數者非舊居之俄人即為華人自可預知然日本銳獎殖民則日本人之移住者期年以後亦可至數十萬之衆故西伯利亞割讓之區域決不慮其太廣東經百度為至隘之限矣念自俄國領有此地封鎖其版圖壟斷其利益已匪伊朝日矣割讓以後日本悉反其道而公之於世相與開發而振興之各國人民自必遠近奔赴投

時事新彙選 第五卷

甲辰臘月廿一日刊

其巨額之資本然則此一舉也不徒保障日本而且為世界開利源且不徒列國德我而已俄國之政治亦或鑒此而有改革之兆乎

四日本當與列國協商限制各國東洋艦隊船隊之數以確保東洋之平和

歐美列強各欲保護其東南洋之領土及居民勢不得不派遣艦隊於東洋然各國艦隊之實力強弱懸殊則動生危險且日本勝俄以後俄既失其海軍之根據地其往來東洋者惟商船而已英法德美荷諸國向之視俄國為至大之關係者至是而外交界情勢大變不必駐強大之艦隊於東洋且日本既與中韓兩國有確保和平之約則

艦隊之勢力亦不必悉如今日故日本誠欲永持東洋之平和而弭各國武力競爭之弊不可不首倡此議也循是行之則所以造福於內外國民者固莫大於是矣

五使俄國以西伯利亞鐵道讓於日本而日本以是爲世界之公業而共經營之

勝俄以後日本之所要求若割地若讓滿洲鐵道若賠償兵費固不待言然日本自本國利權以外欲有以抑俄人之野心而圖世界之公安則莫若使俄國舉阿比河以東之西伯利亞鐵道歸之於日本日本則以之爲世界公有之事業廣集資金而以一部償俄以一部供改良鐵道之費使之輸運利便如是則俄國專有之軍事鐵道一變而時事采新彙選第五卷

四 甲辰臘月廿一日刊

爲世界公有之交通機關其造福於世也大矣況又藉以開通北亞之文化而促俄國變法之速率乎

六與列國定約自今以往凡東洋列國之交涉非日本與議不得輒有舉動

日本勝俄以後對於歐美列國若地位若權力既皆迥異曠昔則於東洋諸國之利害關係尤爲重要不能不以確保平和之責任自負故凡國際之事無論大小不得不預知之中韓無論卽暹羅馬來由等獨立國日本以利害關係之故於其外交亦不可無干涉之權利也

七日俄和約不使他國干與

日俄兩國之媾和本不煩他國干與然歐美各報時倡調

停之說雖未必遽見實行使果有其事不可不力爲排斥夫歐美各國調停之策必不利於日本故自今以後無論情勢若何而日俄和約決不能受他國之參與此實日本所以達征俄之的而亦所以持終局之勇者也此七大經者日本自開戰以至畢戰所確執而不可動者也政界之緩急實行之方法雖尙未可明言今爲叙其大旨亦足以資全國人民之研究也

論旅順降日 錄新聞報

自去年十二月二十三日夜日人進攻旅順巨雷一發環球震驚蓋日人以能得旅順足制俄人之命俄人亦以能守旅順足挫日人之鋒旅順天生險要日人得之使俄人時事采新彙選第五卷

五 甲辰臘月廿一日刊

東方水師根據之地失得以專心壹志從事陸攻不防海面故猛撲狂攻不惜犧牲數萬生命誓必得達其預籌之目的以定全勝之局俄守將司徒西爾坐鎮旅順彈藥竭智極力防守保障要地以待救援窺其堅持不下勸降不從意欲守此極險極危之地以爲波羅的海艦隊東來停泊之港恢復東方海軍之權力其心不可謂不苦其志不可謂不堅無如自金州中斷陸路之接濟使自日本艦隊封鎖水路之接濟又窮然猶倔強不服支持數月之久迨自二百零三適當高山一失港中兵艦頓失依據大小艦隊全行覆沒藥庫彈局相繼轟燬而東西港交通之線爲高山炮火所及不能聯絡一氣二龍松樹二山相繼淪失

於東北日本據東西兩面險要居高臨下夾攻環擊而旅順掩蔽之保障盡失波羅的海艦隊又一時赴援不及司徒西爾雖猛鷲善守當此子彈告盡藩籬悉撤之時蛟龍失水無術自全萬不得已所以投請降之書於日將也嗚呼司徒西爾降則旅順休矣旅順休則波羅的海艦隊來東雖尚有海參威一港可以寄泊然港小不能容大隊海軍況值冰凍游騎無歸恐蹈旅順艦隊之覆轍是旅順一失波羅的海艦隊俄必撤回即不撤回而東來既失根據之地亦無所用武從此日人祇專心爲一面之陸攻而俄人無海軍牽制日本雖海參威尚有兵艦二艘然已損壞不足爲太平洋之患由此觀之旅順一降俄人於此次戰

時事采新彙選第五卷

六 甲辰臘月廿一日刊

局幾無反守爲攻之望能守不能攻俄人欲求轉敗爲勝蓋亦難矣各國雖有俟旅順陷落以後出而勸和之說其能見諸實事與否關係重大記者實不敢預必然即使列強出而從中排解俄人托敗或不允從抑或曠日持久以老日師作捲土重來之想亦未可知而記者終以旅順一失俄人東方無攻敵之海軍此次戰局無論不允勸和無論久持不決然祇能坐守而不能進攻即能如俄人之想驅日人出滿洲以外而東瀛三島無船進擊兵連禍結永無了期況此等未來之希望論勢論時恐俄人未易償也嗚呼俄人欺凌中國明租暗佔經營三省費無數金錢一日爲日本所毀去無數生命將堅固晉敗而痛哭吾竊爲

俄人悲矣雖然我不暇爲俄人悲我當爲中國悲旅順未失中國人以波羅的海艦隊將來海面交通不便商務敗壞咸注目於日俄之戰事旅順一失中國人以波羅的海艦隊不來海面交通已便商務轉機不措意於日俄之戰事感情必淡睡態又濃豈知兩強爭食歸結無時俄以重兵雄據奉天日以重兵堅守遼東半島戰局一日不解土地一日不歸假使數年不決再有變故東三省必非我有且懼因此而釀成不忍明言之禍此記者於旅順俄將投降一事深望中國人愈動感情亟亟焉思所以應付兩戰國久持之策也

論俄官訊理俄兵殺人案不宜意存偏護 錄申報
時事采新彙選第五卷 七 甲辰臘月廿一日刊

嗚呼吾觀俄兵戕斃甬人周生友一案俄官尚未允准會同華官秉公訊理既歎中國治外法權之盡失又深望俄官鑒於華人之積忿終必處以公平也夫殺人償命律有明條中國然各國亦未嘗不然乃自中外通商以後華人戕害西人之案則必由華官緝兇論抵且更給銀撫卹西人傷害華人則除同治初年美人麥介利英人卓爾哲二兇在滬緝首外餘若光緒十七年日本福原伴十郎等在上海城內殺斃華民沈蘭福由日本領事解回長崎訊理處以重懲役九年是年德國公司某輪船水手刃斃車夫張阿三番館吉戳傷路人楊阿來斃命則由德領事解送勃雷門斷禁十八個月罰三千馬克又法界巡捕亞沙尼

歐華民沈兆龍身死亦解由西貢刑司核辦斷給撫卹若
干凡此各案均由中國出使大臣向各國政府一再理詰
雖視麥介利卓爾哲二案似已輕縱然猶不至海底冤沈
至光緒二十七年本島美租界百老匯路恒豐皮箱店學
徒周阿福荷送皮箱至元芳路馬頭所泊某國藍烟甸輪
船上向某西人索酒資致被推墮浦江閱旬餘始獲屍身
雖經屍父周掌生控諸公堂卒苦無從查究是年秋西華
德路德昌成鞋店夥鎮江人應春元被駐滬法兵闖入刃
斃報經縣主汪瑞庭大令驗明照會法總領事請交兇手
法總領事覆稱並無其事後由同鄉公請律師博克仲理
經博律斯函致大令請向法官理論大令答以正兇尚未
時事采新彙選第五卷

八

甲辰臘月廿一日刊

查獲未能指定法兵轉請博律師為之緝訪後遂不予深
求既而船戶王阿有又因向某輪船上德國庖丁別脫索
取渡資遭毆斃亦經大令驗明會同德總領事索泥勒
君訊實其後究竟如何治罪人皆不得而知去年流妓孟
金鳳被義大利國人沙勒強曳登樓推墮殞命經屍弟孟
金成偕傭婦陳王氏控告義領事雖傳目見其事之東洋
車夫暨華捕包探總捕頭等訊明謾稱佐證全無置之不
理未幾葡人蘇若刃斃木工沈福生經葡總領事博君解
回澳門聲稱微辦雖由蘇松太兵備道憲袁海觀觀察再
三爭論終於無術挽回綜觀以上案情大抵始終飾卸華
人之忿其何能平今俄兵以受庇於中國之人無端刃斃

甬人周生友揆情度勢正不得與平時肇事之各國兵民
比且其行兇之器則還自工部局木匠鍾三羊見證則當
時拘拿兇手之九十三五十七二號即捕及協同拘拿之
一百二十八號即捕四百三十五號一百四十九號二百
七十六號三華捕華官雖未研訊俄艦管帶已將三即捕
訊明並由俄總領事雷明君召鍾三羊令試演當時俄
兵逞兇情形眾目昭彰證據確鑿既不等蘇若沙勒別脫
之案尙可強辯又非若混稱法兵及藍烟甸輪船上水手
之莫得主名何居乎兇已獲矣證已明矣租界領袖德總
領事克納貝君已介甬紳之請向俄艦管帶索犯登岸管
押矣而猶不肯特開公堂與華官會訊情形妥商辦法無
時事采新彙選第五卷

九

甲辰臘月廿一日刊

怪在滬各甬人因疑成憤且恐積憤成仇也茲者此事已
由觀察電稟外務部請向俄使力爭俄人當知公論難逃
執法以懲庶幾人心可平租界治安之局可保若必逞一
時勢力蔑視華人吾恐近之則禍在目前遠之則憂貽天
下或有因一俄國而累及各國者事勢所迫可為寒心夫
前年拳亂既平李文忠與各使商開教之策皆以斷案
平允為第一要義民教相爭之案如此中西交涉之案何
獨不然可知自來激變之由皆因事不平允所致況此案
尤為眾所欲得而甘心者乎願俄人熟思之

光緒三十年十二月二十二日

溥儀假滿請 安 克王等謝議敘 恩 景

恩 青州副都統英慈請 訓 禮王請假五日

崇勳錫露各續假十日 毓秀豐深各請假十日

恩佑通遺摺 順天府奏京師得雪三寸

召見軍機 英慈

皇上明日午初升 乾清宮看蹟跋

上諭前因入冬以來雨雪稀少朕親詣 大高殿拈

香並派員分詣 時應宮等處拈香虔申祈禱仰荷

吳慈眷佑迭沛祥霽農田沾渥朕心寅感實深允

宜敬謹報謝用答 天庥朕於本月二十三日親

詣 大高殿拈香 時應宮仍派溥儀 昭顯廟

仍派載洵 宣仁廟仍派載濤 凝和廟仍派溥倫同

於是日分詣拈香恭行報謝仍冀頻邀 鴻貺膏

澤應時以慰農望欽此

上諭廣東潮州府知府員缺緊要著該督撫於通省知府

內揀員調補所遺員缺著該督撫補授欽此

上諭政務處奏議覆裁改漕運總督一摺江北地方遼闊

宜有重鎮順治年間改設漕運總督原兼管巡撫事理

在河運全停著即改為江淮巡撫以符名實而資治理

卽以原駐地方為行省江甯布政使所屬之江淮揚徐

四府暨通海兩直隸州全歸管理仍著兩江總督兼轄

各專責成餘依議欽此

治外法權之解釋

今日為言論自由之時代而報館尤有貢其所知效一得於同羣之責故其所論斷所臨評輒就一人之智識而發揮之苟非秉持私意雖間有不免失當之處當亦閱者所共諒而亦我同業之所必不自諱也惟至於法律上之解釋則學理既有一定而專門術語尤有不能絲毫假借者若一為誤解則耳食者將為所惑或至影響於學界政界而生不良之結果焉是故發言不可不慎也記者因讀日報見其所論治外法權不無誤解故急就此文以辨正之亦孟子所謂不得已之所為也

時事采新錄選 第五卷

甲辰臘月廿二日刊

於乙國而不受治於其法律之下質而言之立於其所駐在國法治之外之權利也原此種權利之所起大抵在西歷紀元十七世紀以後蓋從法律上之公例國家原可在其領土以內完全行其主權故凡在其領土內者不必問其主權人與外國人皆得統治之此特屬地主義者之所主張也然以國際交通日趨繁密若純乎確執屬地主義以為用彼此不無窒礙難行之處故不得已設此法權以調劑之其始實不過視為一種之方便法門相沿至今乃始認為一種之特別權利耳是故治外法權者乃對於屬地主義之例外也 倘言變例 對於國家司法權之例外也非謂凡人無論在何處皆當服從其本國之法律而

此治外法權乃出於本當享受者也何以故以國家主權從積極的言之雖可以完全行於其領土以內而從消極的言之不能行於其領土以外也一言以蔽之治外法權者本國所授與他國之一種特別權利也

乃 日報於二十三日論云

華官在租界實無治外

法權

揣其意當謂華官在租界無治外人之權是不知

治外法權之解釋而但望文生義誤認為治外人之權也

不然所謂租界云者猶我之領土也天下安有在其本國

領土之內而可有治外法權者耶既不得謂之有又安得

謂之無耶故就今日而論謂外國在租界有治外法權可

也謂中國在外國無治外法權亦可也若謂華官在租界

時事采新彙選第五卷

甲辰臘月廿二日刊

無治外法權則是不認租界為中國之領土矣蓋若使華

官在租界而有治外法權則就其裏面而言必已失其領

土之主權者也

日報復於昨日論說中一則曰 非使外國收回治

外法權不可 再則曰 外國收回治外法權之說 三

則曰 國亦可收回治外法權 四則曰 終無收回

治外法權之事 五則曰 欲由此說而冀外人之收回

治外法權 六則曰 本報以為請外人收回治外法權

之事 謬哉其所下收回二字之顛倒也蓋今日各國不

以對等條約國待我故我在彼國無此法權彼在我國則

有此法權而以各國有此法權實於我國大不利故近者

有以此法權而以各國有此法權實於我國大不利故近者

我國外交家咸議收回此法權是所謂收回者以我為主乃就本國而言非可對於外國使之請之者理至明也不

然各國方要求於我而索取此法權又何待我之使其收

回請其收回耶今試舉一例往時各國之中惟日本以治

外法權與我及馬關約成而亦改為彼能仍有之於我而

我不得有之於彼此則我欲收回治外法權之例証

也又試舉一例往年日本與中國同病誤以治外法權授

諸外人其後幾經艱難曲折至明治三十二年始得與各

國改訂條約而收回之此則日本自行收回治外法權之

例証也觀此二者則今日收回在中國之治外法權其為

屬于中國言乎屬于外國言乎可不辨而自明矣

時事采新彙選第五卷

甲辰臘月廿二日刊

要而言之治外二字之解釋與化外二字同一文例治者

名詞外者言其範圍若 日報則以治字作動詞外字

作名詞故致誤解如此惟其於此術語未能了然故不知

此法權如何當有如何當無又不知收回者之當屬於何

國記者恐其說流布而吾國之法律思想或不免為其所

蔽故收述國際法之學說而辨正之如右

抑記者作此文時更有一感則我國人法律思想之不發

達是也使吾全國人而皆富於法律上之學識則此文為

贅語直可以不作

附言 治外法權與領事裁判權原是異物本報於

十四日曾略述之右文所謂治外法權乃從通稱即以

有以此法權而以各國有此法權實於我國大不利故近者

領事裁判權之實而冒治外法權之名者也以其區別屬於別問題爲避複雜故混言之

寧波僑滬紳商與租界領事德國總領事問答記

錄申報

俄國在滬軍艦阿司哥水手戕斃甬人周生友一案前經甯波紳商公函租界領事美國總領事古納君業經譯登本報適因古納君將次交卸未及辦理將案移交新任領事德國總領事克納貝君本月二十三日各紳商接克納貝君函開查接管卷內有寧紳公函爲保全租界治安起見應請貴紳訂期惠臨敝署面談等因當經復函訂定二十四日午後三點鐘時往晤屆時嚴候舫沈仲禮周金箴李葆三虞洽卿諸紳商約齊同往握手爲禮互道欽慕之時事采新彙選第五卷

四

甲辰臘月廿二日刊

沈克納貝君云諸君爲租界治安起見今日屈駕光臨本總領事甚爲感激沈君云貴總領事於租界治安爲最留心力辦之事非特僕等深爲欽佩即寓滬各處紳商咸所敬服旋及周生友之事克納貝君云前日貴紳公信太多曲折意欲奉復筆不能盡是以東請諸君惠臨晤談以達彼此之意俄水手殺斃甬人貴同鄉公憤不平欲爲伸理各國皆謂甬人理長俄人理屈若因此鬧事則甬人反爲理屈矣攷俄國律法於兵艦水手上岸生事傷及人命其罪極重俄總領事亦甚願照例處治亦無袒護之意幸貴同鄉皆能聽從諸君勸慰不致生事本總領事實深佩服衆云同鄉人多焉能悉聽僕等之語僕等實受同鄉逼迫

連日通稟外務部南洋大臣上海道及函致領事總領事無非求速辦此案以謝衆人乃半月以來未曾辦有頭緒以致指摘交加謗書盈篋僕等已置身無地深願貴總領事力持公議俾此案辦理平允免生事端以保租界治安並將衆人之意另備洋文說帖交閱大政謂衆意欲將此案兇手解交岸上俾得特開公堂會同華官審理俄官既能執法嚴辦何樂而不使衆人咸得觀聽即在岸上盡法懲治以慰衆情云云 註 原稿先已登昨報 克納貝君閱畢又云衆人要求各節亦屬極有情理之事但中俄兩國未嘗失和則條約不能廢棄仍須照約辦理查條約載何國人民犯事歸何國官員辦理並無外人准歸華官

時事采新彙選第五卷

五

甲辰臘月廿二日刊

審辦之說沈君云此次俄艦水手上岸殺人非但不能與尋常俄人比擬且不能與尋常兵艦水手比擬蓋阿司哥兵艦容留在滬其中員弁水手中國官員皆擔責任今竟不受約束妄殺平民與尋常擾害租界治安之情節不同克納貝君云此言誠然但有情理可說而無律法可援頗屬爲難之事沈君云貴總領事爲租界治安起見則此案須求法外之法變通辦理以鑒衆人之期望克納貝君云貴同鄉於此案據理而爭並不滋事工部局及各國領事皆所嘉許皆肯爲力若一經鬧事與各國爲敵則其曲在我反失公道矣本總領事允向俄總領事力說務求盡法懲治以保租界治安而慰衆望但不能必定如何辦法容

再具兩奉復可也言至此已逾四下鐘始興辭而出姑俟
克總領事回信如何再行奉布

論三首縣抑短洋價 錄新聞報

自奉酌提中飽之 詔論者皆以後患為虞蓋以為 朝
廷雖取之於官官將復取之於民也本年六月初二日復
奉 上諭以地方錢糧和洋銀價值弊混甚多飭令每歲詳
列表冊報部刊發俾眾周知於此可見 朝廷之意亦慮
地方官多取於民而定此預防流弊之策孰知地方官營
私之念習與性成舞弊之方隨機生發定例雖密奸詐百
出所恃以防範督察俾貧困小民不致於呼籲無門者惟
在各省大吏之賢否也記者觀於昨報所載蘇城紳士公
時事采新彙選 第五卷 六 甲辰年四月廿二日刊

呈以長元吳三首縣在大吏耳目最近之地而竟有抑短
洋價之事不禁歎三首縣營私舞弊之膽之大矣地方官
徵收錢糧之有平餘原以補廉俸之不足蓋幕友之束修
親友之資助上司之供給紳宦之酬酢吏民之希欠司庫
之規費緝捕之津貼招解之費用區區廉俸不足十一藉
此陋規以為挹注誠地方官不得已之苦衷也然地方官
若因奉提平餘必致賠累原可憑陳下情稍留餘地不出
乎此而以浮收為糊口已屬上不能遵奉 詔旨下不能
體恤民艱而況江蘇州縣素以肥美著稱奉提一二千金
尚不致於賠累亦何能藉口於平餘之奉提而抑短洋價
以取償於民耶若以為州縣官每年盈餘已為定數一旦

奉提若干無異於就口之食忽被攫奪故必另立名目取
償於民以彌缺憾雖屬違背 朝旨埋沒 聖恩罪不容
誅尚未越於人情之外今三首縣所定洋價每洋一元抑
短四十文每縣盈餘當在二萬串以外已大浮於奉提平
餘之數是實借奉提中飽之名以大肆其中飽之貪念但
知肥己而一切可以不顧其居心尚可問耶耳目較近之
首縣如是則外縣更不可問缺分肥美之江蘇州縣如是
則缺分瘠苦之他省州縣更不可問 朝廷別州縣之中
飽而州縣之中飽愈多 朝廷恤百姓之困苦而百姓之
困苦愈甚為國家失民心為地方生變亂 朝廷聞之必
不能輕恕其罪然而記者以為三首縣之膽大妄為尚不
致於如是觀蘇紳公呈有聞已稟蒙批准之語乃知三首
縣之貪婪昏瞶固有所恃而無恐也然而三首縣若執迷
不悟蘇省京官豈不能具摺奏參是其所恃者亦難久恃
所幸端中丞尚未離蘇向護院痛陳利害護院已允飭照
上年辦法但謂三首縣又議改定收銀每百兩作錢一百
三十千又是易抑短洋價為抑短銀價其中浮收每縣仍
可萬串若果三首縣 一估忠不悛恐違 旨之罪必
不能倖免矣

論度量與品格 續

昔人以人之度量每與其人之品格為比例非度量之即
能定品格也而驗品格則度量與居一焉非品格之即盡

於度量也而論度量則品格莫能外焉何以言之蓋國民之品格國家強弱興衰之代表國民之品格隆者則國從而隆國民之品格污者則國從而污國民之品格亡者則國從而亡故國民之自尊其品格即國民之自尊其國體國民之自墮其品格即國民之自墮其國體國與品格爲存亡而品格隨度量爲消長此天下之通義所歷驗而莫爽者中西大聖明哲之所創垂爲此而已請言度量何容千人之量者始可長千人有容萬人之量者始可長萬人有涵蓋大地民物之量者始可建括天地民物之功一毫不容假借者也推至今日之世局國民有氣吞羣雄之量者始可宰制羣雄有雄長全球之量者始可陵駕全球

時事采新彙選

第五卷

八

戊辰臘月廿二日刊

亦一毫不容假借者也約而言之作宰臣者須有宰臣之量作疆臣者須有疆臣之量作魁儒鉅子者須有魁儒鉅子之量舉凡任天下之重如軍事如教育如交涉如財政即甚而至於物望名譽大凡量之所不周即害之所必至及其至也非特私人之晚節高名因而頹敗而擾亂人羣影響遂波及全國亦理所必至勢所必然也理財學家言以兩利爲眞利損上益下非也損下益上亦非損人利己非也損己利人亦非由此理推之損國益己者非也損己益國者亦非損羣利己者非也損己利羣者亦非然損己益國者尚不失爲盡義務惟損國益己者則無所逃於天地之間損己利羣者尚不失爲徇公益若損羣利己者則

無所容於衆多之口若夫於羣已上下之間舉無所利冒冒然不顧品格而爲之如此之行爲非喪心卽病狂爲社會不容也必矣吳子胥有言曰暮途窮故倒行而逆施之此末路無聊語也不聞負天下之重者因社會不容之故轉而生反對社會之心倒行逆施不顧大局其有如此者皆少歷史感情故吾聞中西歷史之所盛稱者如亞力山王之待惡盜華頓之待情卒楚壯王之於絕纓裴晉公之於失印使衆人無所措手足之事雷霆霹靂中以甘雨和風消之眞歷史中佳話也近人李文忠之使日本也受日人某飛彈之擊曰此血所以報國也卒任事如恒英雄風度令人起敬非然者使秦皇帝大索十日恐驚風急雨中

時事采新彙選

第五卷

九

戊辰臘月廿二日刊

脫走張子房也卽不然如俄羅斯之治虛無黨愈持愈急能除孤立碍脚之草烏能盡離離原上之根又焉能盡無數散播之種以度量者偉人之本色也拂逆之來吾前與刀鋸之搥吾後凡此種種不祥之事於地理人情時勢三者皆有密切之關係量大勢而可抗也抗之大勢而不可抗也容之及其終也非特容之而已又有自反之一法焉捫心自問吾之行爲果得罪社會與否果妨害社會治安與否如其青天白日無愧此心也則橫逆之來太空浮雲耳人間自有公論無待吾之自表且私人之事更不容牽動全局也如其穢跡醜態有愧於心也順風自可收帆無待吾之自獻且傷及於個人者小傷及於國體者大也故

度量者又保護社會品格名譽之至寶也吾聞之凡知自愛品格名譽之國民其國民之程度必高若夫淺隘狹陋之民不知社會之名譽為何物更不知私人之品格為何物悻悻然以為凡有戾於我者必除此而甘心遂忘其地埋人情時勢之歷史而凡抗其風潮豈有幸哉身敗名裂而已矣曠望易水之蒼涼寒風捲地落新亭之涕淚景物逼人作者於此非鼓吹此種風潮也念大局之如斯悲聞牆之無謂有慨焉神傷而已矣

時事采新彙選 第五卷

十

申庚辰月廿二日刊

光緒三十年十二月二十三日

禮王專摺謝賞綢緞 恩 那王等謝賞綢緞

恩 植公謝充族長 恩 總虎口監督景清

回京請 安 關防衙門奏初一日 大高殿

拜表滿貝勒行禮 掌儀司奏初一日 奉

先殿瀛貝勒行禮 內務府奏派初一日 壽

皇殿恭代行禮 派出恭王 又奏派恭懸恭收

聖容 派出恭王醇王 又奏派 堂子掛紙

錢 派出繼祿 又奏派致祭 時應宮 宣仁

廟 派出恩公德公 太常寺奏派觀看牲隻

派出睿王薩廉 兵部奏派查齋之大臣 派

諭旨恭錄 光緒甲辰十二月二十三日

出希朗阿誠全恒順常山特圖慎松鶴英信善豫

又奏派更換入旗值年 派出恭王倫貝子符珍

卓公色楞額莊山敬昌壽耆 翰林院奏派經筵講

官 派出那桐奎俊 又奏派文淵閣校理

派出世榮張建勳

召見軍機

提督衙門奏據北營參將王漢池遊擊王雲龍督率

守備王得祿候補守備李榮胡榮把總土明候補把

總宋瑞王聯綿張得寬帶兵會同司坊紳士在安定

門外大豁口並陵河村各處地方拿獲游勇勾結土

匪糾夥執持洋槍施放迭次搶劫打傷事主之盜犯

王大山即王春山又名大王李三即大李又名呂三
何六即何現春趙玉即趙二范金山即范雙禧陸桐
等六名又右營參將趙春霖遊擊曾崇蔭督率守備
高得元等拿獲路劫盜犯郭翰英等二名均請交刑
部

上諭江淮巡撫著恩壽調補陸元鼎著補授江蘇巡撫欽
此

上諭江淮揚海道兼按察使銜著徐樹鈞調補楊鴻度
著調補江南鹽法道江淮徐州道著袁大化調補李經
楚著調補福建興泉永道欽此

旨著派載卓管理圓明園八旗包衣三旗官兵並烏槍營
總管恭錄

事務欽此

旨補藍旗蒙古副都統著連順補授欽此

旨加恩舊土爾扈特多羅貝勒達什庫克諾爾頭等台吉
多瑞均著挑在乾清門庫克諾爾多羅貝勒以沁旺濟
勒著賞戴雙眼花翎察哈爾輔國公羅布桑索特巴喀
拉喀頭等台吉達木黨扎布均著賞戴花翎欽此

旨加恩敕罕多羅郡王楞扎勒諾爾贊鄂爾多斯固山貝
子圖們巴雅爾喀沁輔國公銜頭等塔布囊幹增扎布
均著挑在乾清門喀拉喀多羅貝勒增勒木色楞著賞
戴雙眼花翎克什克特恩頭等台吉那木齊勒著賞戴
花翎欽此

光緒甲辰十二月二十三日 二

時事采新彙選第五卷

甲辰臘月廿三日刊

書刑部駁議監禁軍流罪犯奏摺書後錄潭泉日報
恤刑是也慎刑亦是也周文王留心庶獄卽視民如傷之
意若甫刑之作袁世之政也而咸中有慶未失之濫鄭鑄
刑書其兆在火近於猛矣曹參去齊入相以市獄爲寄如
是乎其重之也國朝政體寬厚時有漏網而雍隆之際吏
治蒸蒸日上黎民又安邇來官方不飭吏之舞文鍛鍊受賄
私者時有所聞律書之援例分等奸貪之輩遂藉口以出
入輕重爲官囊肥瘠之權衡刑法日歧斯民之生途日隘
數十年來四百兆種族之渙散心體者卽以此爲一大原
因有社稷蒼生之責者可不於是留意乎顧鄙意於某侍
郎之所奏與刑部之所駁竊有所不解焉侍郎因軍流徒
犯多於遞解途中逃匿貽累奏請改爲監禁其監禁年數
以罪之輕重爲差夫逃匿之犯年來層見迭出誠如侍郎
所言然此輩既屬悍徒仍得在故土囹圄中父母妻子得
以相見無疏離生別之苦不足以動其悔心且聚羣不逞
之徒並處一室或尋仇報復或謀爲不法輕則賄縱重則
劫監越獄百弊滋出防不勝防至於設爲習藝工廠令之
在內工作其與平民之學習工藝及轉移執事者有何分
別罰不足稱其罪適啟小民玩法之心刑部駁之是也獨
是諸公之議論不同而其大旨則同爲吏起見不爲民起
見并其將來之效果均未足以整吏治治輿情而轉移風
俗何也該侍郎之議謂此等罪犯多兇狡不逞之徒視逃

配爲常技其惡浮於死罪將變通辦理以儆莠民誅惡之意多恤刑之意少防其奔逸之意多施其教化之意少且摺中亦知驛站差役之弊而於官吏玩縱之條並不科及其罪左袒吏而右袒民得毋以長途賣放爲未便而敢以在監賣放之途乎至於刑部駁詞計及該犯之可逃不可逃監禁之犯得以家人團聚無流離遷徙之憂是第衡發配監禁之勞逸殊狀離合異情若謂必重苦之使知懼母令此輩之太覺便宜也嚴刑以逞刑部所議之流失將無類是卽其請飭各省督撫令所屬於此等人犯慎派幹役依法管解如有逃脫訊明賄縱實情從重懲辦無他欲其不得逃脫而已從不肯開一綫生路俾小民倖及寬政改

時事采新彙選第五卷
二
丁辰臘月廿三日刊

悔自新昔成湯網開三面若許仁恕奈何陷阱羅畢盡張九門轍諸四十里之隣尤爲張大母亦祝之使逃而必欲盡入吾網唐太宗縱犯使歸約期自至以術籠絡王道不取要亦慈祥之機有所感召是以民樂爲玩弄刑部諸公記未之聞歟今試取官府民庶比較情分於朝廷曰官與民孰親度必衆口一辭以爲官實親耳民何有焉師保疑丞日居顧問之班部郎曹掾書思對命亦復時觀聖顏下至州府縣令其爲朝廷所簡擢者時或見諸輦轂之旁乃若草野愚賤遙瞻巍闕如在九宵安所得至雲天以上剖心腹而一訴衷情迨乎京畿而外欲求一涓一滴之拜在下風渺不可得其啼饑號寒誰憐之其疾痛疴癢誰憐之

貴賤相去之數竊得以道里計乎雖然君不親其民非賢君也臣不爲君親其民非良臣也古人云君當親民爲子弟而亦當親民爲家私子弟爲父兄之衛國之所以也家私爲衣食之資國之所以富也且情之所用向而情之所感則不同君之待臣也精以贈之爵位以榮之而臣動挾其勤勞國事以相抵不甚視爲隆禮異數若之於民則不然收其租稅民不敢怨派其征徭民不敢怨但能加之體恤曰我徵汝租稅亦已厚矣苟可從薄爲之節焉我資汝筋力亦已瘳矣苟可休息爲之寬焉論其數不及待臣十分之一而已欣欣然有喜色走相告曰吾儕何幸遇此仁君犧牲吾身以報之宜也其感情之難易深淺迥不

時事采新彙選第五卷
三
丁辰臘月廿三日刊

相侔又如由此由斯以觀君人者當親官乎抑當親民乎夫今日中國之弱弱於民者十之二弱於官者十之八卽歐洲列強彼雖渺視吾官未嘗不陰忌吾人民官與民合則力厚而政府強官與民分則力薄而政府弱善謀國者因其所忌而用之彼見我手餘行省爲朝廷臂指時或枵腹垂涎將有所攫取以圖一飽必先自揣其侵蝕之能力達於何點始敢出而嘗試其機且又惴惴然開始攻戰早懷一反戈旋踵之預算表則其勢力範圍之圈線短而舞台之上演劇不能耐久爭似衆國聯軍時統老者少者羸弱者皆欲於京師中掠物乎夫刻木爲吏期弗對畫地爲獄議弗入非木吏畫獄能刑禁人徒以廉恥之心不死耳今

政府僅知軍流之人類多兇悍獨不思天演物競之際正純厚人受壓之秋我所謂兇悍西人所謂豪傑歐洲不兇悍何能雄視全球兇悍之極爲帝國主義其次不失爲大長其次亦足自保爲第二等國不致受人陵轢誠借其兇悍之氣而善用之我爲被智伯彼爲我豫讓國士遇國士報安知其必不爲我用竟舉而投四裔禦魑魅乎是政府之爲官吏謀也則周其爲民謀也則略而其爲國謀也則拙然則何如而可乎夫罪民不欲其多而良民不欲其少無用之民不妨於少而有用之民必求其多侍郎擬設習藝所俾軍徒人犯有所安置人逸則生淫心勞則生恆心彼朝而習焉夕而宿焉各有謀生之途以習藝所爲編管

時事新報選第五卷

四 甲辰臘月廿三日刊

放心之地其亦可以稍戢兇悍乎顧此輩頑固之性未易猝變各府州縣之罪犯滋事者不少一日逮從輕縱彼子然一身何所不敢爲復挾一官藝局所之勢其不陵轢平民者與有幾仍未得爲善法也且民失業則貧貧則放膽亂行朝議欲以習藝所拘束罪人各處編管之人竊得有幾不從其本而治之至犯罪後始區區焉爲謀一技何先後倒置而衆寡異施也現中國所經營創造大都奪民之具往往一事成而千萬人平日所藉以爲生者至此皆束手無措徒兩眼閃閃然張饑腸碌碌然轉無奈鋌而走險亦何所不至乎電報興而驛傳廢輪船設而帆船衰鐵軌造而轉移奔走之利窮中國人向之資此數端爲事畜者

不可勝計試問有若干習藝所得補數者之業瘠民以肥國未肥而民已凋敝今日謀以救弊亦反其所爲而已然而難言之矣夫時之所尙衆之所趨也時之所厭衆之所忌也今之王道猶宋之理學淫褻不宣亦久矣吾一不知夫漢唐以來開創之君汲汲焉以詣曲阜幸闕里拜尼山一老祖爲國際上重大之政務者果奚爲也卽覘國論世者亦以此定元氣之厚薄卜福祚之修短焉而今日則且以文弱病之藉曰道之原因效果與時上下隆則從隆汙則從汙亦不應相反如是之霄壤也然則各省人民或變爲軍流徒犯非無習藝所之故而無習道所之故無如習藝所之制侍郎所敢昌言習道所之制侍郎所委婉而

時事新報選第五卷

五 甲辰臘月廿三日刊

諱言詎獨侍郎通天下之有發議者幾乎靡不以此爲諱言蓋凡今之人言無淺電言新式車艦言無烟彈樂言不潮濕水雷言能操縱自由輕氣球言格致變化諸奇妙物質言取特別之礦品藏產諸如此類謂之究心時務家言卽謂之經濟能手言而見用也富貴逼人來及身妻子享之不盡如不見用也退發西人篋刺股揣摩吏研新法曰嗟夫安有持此遊歷不能抵掌華屋面謁公卿取斗大金印繫於肘後者其信爲必售不啻左券是操若與之相反遵守六經聞者共嗤之以鼻在言者自覺面皮羞澁若處女不敢見人無怪乎化民成俗之道侍郎不敢言及刑部亦不敢以此駁侍郎徒於安插罪犯之末務較量是非也